

Seiqgyaiq Bouxminz Gyaez Hozbingz

—Geiqniemh Cungguk Bouxminz Gangyiz Cancwngh

Caeuq Seiqgyaiq Fanj FazsihswH NdaeJ Hingz 80 Hopbi

☐Cinz Siengzcouh/壹祥周

Gouj nyied gizgiz va hai mboeng,
Gou yienq baihdoeng eu Fwencuengh;
Seizneix gaiqwnq gou mbouj muengh,
Eu diuz Fwencuengh gangj saehcingz.

Gangan ndaej hingz betcib bi,
Cungguk gizgiz yienghsiengq moq;
Fanj FazsihswH vut gij hoj,
Cungqvunz byaij loh coh vuenyungz.

Seiqgyaiq bouxminz gyaez hozbingz,
Dwkciengq ndaej hingz bouboux angq;
Cungguk cix gyo Gungcanjdangj,
Ngoenzneix lwnhgangj vah cix raez.

Gangj daengz seiqgyaiq FazsihswH,
Vunz raeuz mwhmwh cungj hozhaemz;
Gyoengqde gaj vunz lumj guhcaemz,
Biengzdeih cungj haemz cienfanh daih.

Gij lizsij neix cungj yaek geiq,
Hawj vunz seiqseiq cungj mbouj lumz;
Gij hoj gij nanh daengx lajmbwn,
Gangj daeuj hawj vunz raemxda rih.

Ngoenzneix gou daeuj gangj lizsij,
Caux geij coenz bij(Beij) si(gangj) hawj biengz;
Gangj Yizbwnjgeij vunz sim liengz,
Siengj ciemq lajbiengz dwk Cungguk.

Gwnz Luzgouhgyauz sing bauq yienj,
Gveijswj hai cieng daeuj ciemqfamh;
Guek raeuz mbupmbap(soiq) minz souh nanh,
Caez hwnj gangcan lwed nyumx geiz.

Gangj daengz Saehbienq Goujitbet,
Doengbaek deng dek(dik) cungj loemq caez;
Beksingq bouboux raemxda lae,
Vunzak hwnjbae gengq vunzdig.

Sunghhu Veican hoenz rim mbwn,
Lwed noh daeb hwnj baenz ciengzsingz;
Cungguk lwglan caez buekmingh,
Bouboux haenq dingj fangz doegyak.

Ndawsingz Namzging mbwn laepcumz,
Samcib fanh vunz deng caeg gaj;
Gveijswj hengz yak youq dienyah,
Ienqcaeuz daihbaj lwnh mbouj caez.

Youq Bingzhingzgvanh raeuz ndaej hingz,
Bazluginh bing bongh boq fet(aenhauh);
Lumj guk roengz bya caeg mbei dek,
Gangyiz feiz fek(coemh) daengx Cunghyenz.

Gwnz Daizwzcangh mbawgeiz mbin,
Cungguk boubbing lumj raemxrongz;
Nyumx lwed gaj caeg haenqrengz bongh,
Bouboux cengq ndongj lumj goengq bya.

Cangzsah Veivan yienj saenzvi,
Gyoengqcaeg lumj gvi deuzrigrig;
Ginhminz doxgiet hoenx vunzdig,
Huznanz binglig cei q mizrengz.

Bwzdonz Dacan caeg deng baih,
Bing raeuz buqvaih gyaudoeng caez;
Lumj byaj coeg rwz caeg hemq daej,
Youzgiz hengz ndaej cansuz ak.

Gwnz DaihangzsanH fwjrumz mbin,
Gangyiz ginhminz doengsim hwnj;
Deng hoj deng nanh ceiqheiq vwnj(onj),
Gangdiet cangzcwngz cungj mbouj lak.

YenzanH swngdi daeng ronghsag,
Lingjsiu fwngz vad vix fuengyiengq;
Diemj hwnj bogfeiz boq hauH yienj,

Gangan dwkciengq miz maqmuengh.

Dieg Nanznizvanh funggingj gyaeu,
Gag ok rengz raeuz caux cibcuk;
Cansw hai fwz ak lumj guk,
Sanjbwz dieg nduk(fwz) bienq Gyanghnanz.

Gyoengqvunz vazgyauz simswH van,
Cihyenz gangcan gien ngaenzcienz;
Vunz youq haijvai sim doxlienZ,
Doengzcaez simsienh bauj guekcoj.

Gozci baengzyoux daeuj bangcoh,
Dep mbaq caemh hoq gengq vunzcaeg;
Bwzgiuzwnh gij aencingz laeg,
Youjyiz va ndaek(bog) hom doh biengz.

Gangan cingsaenz lumj aen daeng,
Ciuq rongh daihlaeng cienfanH ranz;
Coihawj vunz raeuz mbouj lau nanz,
Sim hoengz cieP ban guh fukhwng.

Cungguk gangcan dwg yienghneix,
Raeuz lij yaek geiq saeh guek wnq;
Fanj FazsihswH doengzcaez hwnj,
Seiqgyaiq mwnqmwnq(gizgiz) cungj guh caez.

Bwzlinzciengz lak cij raen mbwn,
Wcan hoenz mwnH sanq liux bae;
Lwed feiz lienH ok gij caenleix,
Hozbingz cijndaej hwng seiqfueng.

Ndaw Cinhcuhgangj langh fanfoen,
Yizbwnj caeg hoenx lumj guk beuq;
Gwnz Daibingzyangz hoenzneuneu,
Yiz Meij doxdeuq(doxdaeUq) yak dangqmaz.

Swhdalinz Gwzlwz nae mbin,
DwzginH dietdin bungq ciengz dangj;
Hoenx dwk DwzginH dai baenz bang,
Mbawgeiz Hungzcangz mbinyagyag.

Youq Nozmandij sing bauq yienj,
MungzginH doxciengj hwnj hamq caez;
Dwk byoengq DwzginH fangzsen bae,
Buqloemq moengH ndei FazsihswH.

Gvangjdauj Cangzgiz hwz bauq yienj,
Hoenz laep lumj liengj hoemq daengngoenz;
Vunz caeuq faex nywj cungj dai goenq,
Fanjcan hwnzngoenz hemq doengH mbwn.

Mwhde gwnz mbwn BulezdenH,
Feihgih doxnex(hoenx) lumj roeg mbin;
Aeu nyieg dwk giengz guh ndaej hingz,
Swyouz geiz mbin youq byonghmbwn.

Nae hau rog singz MozswHghoH,
DwzginH byaij loh bungz naenoengz;
Naehang lumj mid camx caeg roengz,
HungzginH baenzgoeng daeuj fanjung.

Gwnz haij dwkciengq hix youqgaenj,
MeijginH guh haenq nda cancangz;
Ruz hung Yizbwnj caem baenz bang,
Gwnz Daibingzyangz dauq cienj hoengH.

Dieg Ahlahman faenx mbinfi,
Mungzgohmajli lumj guk beuq;
Dwk baiH Dwz Yi gyaeP caeg deuz,
Bwzfeih mbwn seuq ok daengngoenz.

Liuzvangzdauj Can lwed baenz dah,
MeijginH cung gaj lumj raemx lae;
Cap hwnj mbawgeiz miz ceiqheiq,
FazsihswH bae byaij loh fangz.

Lezningz Gwzlwz humx nanz raeuh,

Ginhminz dawzsouj lumj ciengz diet;
Mbouj lau mbwn nit mbouj lau iek,
Doeklaeng mied caeg raen daengngoenz.

Bohswzdanj ok gunghgau hung,
Fanjfaz Dungzmungz lumj ciengz yangj(ndongj);
Lwzling Yizbwnj vaiq douzyangz,
Faggiemq haucanq(hau) dingj cingqheiq.

Doengging sinjban fagcuiz baeuh(yiengj),
CiengqfamH gumj gyaeUj bae nyinh coih;
Lizsij goengdauh ndaej okdoi q(baijok),
Guh yak vunzloih cungj biqmyaiz.

Fanjfaz gyoengqdoiH fwngz gaem fwngz,
Duh gou duh mwngz sim doxhab(doxlienZ);
Doengz rengz caez bae gaj fangzyak,
Lajmbwn hwngfat vunz vuenyungz.

Gvaq betcib bi lij aeu siengj,
Lizsij lumj giengq(gingq) geiq ndwenngoenz;
Mbouj lumz mwhgonq gij feizhoenz,
Doengzsim byaij roen bae coh naj.

Ngoenzneix seiqgyaiq fwjrumz fan(bienq),
Hozbingz fazcanj dwg cawjlouz;
Gij saeh gaxgonq geiq simdaeuz,
Gaem fwngz doxcaeux(yien) hoh dienyah.

Cancwngh ngaeuzaemH caengz sanq ndi(ndeI),
Gungjbu cujyi lij luenH hengz;
Daengx biengz hozcoz doengz haenqrengz,
DingH aeu mbwn gveng gyaeP moklaep.

“It rangH It loh” gyag giuzgim,
Gak guek hai din doengz fazcanj;
Doengz leih gungh hingz caez sim van,
Hozbingz va rang cawqcawq lengj.

Gyauyuz guh bonj biengz doxhuz,
Gohgi cinbu coih hoenghvuengh;
Vwnzva gyaulouz caen miz muengH,
Doengz guh beixnuengx youq lajmbwn.

Insik hozbingz gij ngoenzndei,
Roengzrengz doxbae guh hong haenq;
Cienzswnj gangcan gij cingsaenz,
YienghyiengH guh baenz guek giengzak.

CiloeK lizsij bongh mbouj dingz,
Cingqngeih dingH hingz gvaq doegyak;
MuengH raeuz Cunghvaz engq hwngfat,
Seiqgyaiq ndaeP sat gij feiz hoenz.

Gouj nyied sam hauH youq Baekging,
Leixbauq singsing doengH daengz mbwn;
Hoenzsiu sanq bae caemH mbouj lumz,
Ngoenzneix cungqvunz doengz gingqhoh.

SamginH bingdoiH ngozfwdfwd,
Yamqdin byaij dwk gig cingjaez;
Goujhau singsing doengH mbwn bae,
Giengzak budui vunz nanz beij.

Sinhhingz canghbei youq seiq viq(fueng),
Danjgwz feihgih caeuq daujdanZ;
Gangdiet bingdoiH dwg haujhan(vunzak),
Bauj guek hoh ranz onj fanhdaih.

Cuengq gyoengq roeggap hai fwed mbin,
Baekging ngonzbing daengx biengz maeZ;
Geiq ndei lizsij byaij doxbae,
Hozbingz bae gyae youh bae nanz.

Beijfwen ciengq lai bak hix naet,
Gij foux saet lai ga hix naiq;
Danghnaeuz beixnuengx cungj lij maij,
Caj gou yietnaiq youh cai q damz.